



PEMANGKU Rektor, UNISSA, Dr. Haji Mohammed Hussain bin Pehin Penyurat Haji Ahmad menerima wakaf buku daripada Hajah Norhayati binti Haji Zaidi, isteri Allahyarham Pengiran Dr. Haji Saiful Bahrin bin Pengiran Haji Kula, mantan Pengarah Pusat Penataran Ilmu dan Bahasa, UNISSA.

BANDAR SERI BEGAWAN, Rabu, 24 April. - Universiti Islam Sultan Sharif Ali (UNISSA) melalui Pusat Penyelidikan dan Penerbitan dengan kerjasama

Perpustakaan UNISSA telah mengadakan Minggu Hari Buku Sedunia kali ketiga bertempat di Ruang Legar Perpustakaan UNISSA serta melancarkan UNISSA E-l'lamii Institutional Repository.

Kosmetik dicemari merkuri

Siaran Akbar dan Foto : Kementerian Kesihatan

BANDAR SERI BEGAWAN, Rabu, 24 April. - Kementerian Kesihatan memaklumkan kepada orang ramai supaya tidak menggunakan satu produk kosmetik yang mana hasil dari ujian makmal Bahagian Farmasi, Jabatan Perkhidmatan Saintifik, Kementerian Kesihatan telah mendapati bahawa produk tersebut telah dicemari dengan bahan terlarang yang tidak disyitiharkan.

Produk Kosmetik tersebut ialah Luffiya Night Kunyit yang tidak dinyatakan pengilangnya dicemari dengan merkuri.

Bahan pencemar dalam produk berkenaan boleh mengakibatkan kesan-kesan mudarat yang membahayakan kesihatan.

Merkuri adalah bahan yang dilarang dalam produk kosmetik seperti yang ditetapkan di bawah Peraturan Ubat (Produk Kosmetik) 2007.

Penggunaan merkuri di dalam produk kosmetik adalah dilarang kerana ia boleh memudaratkan kesihatan. Tahap merkuri yang tinggi atau pendedahan yang kerap boleh menyebabkan kulit kebas,

sakit kepala, ruam, perubahan warna kulit serta kerosakan pada buah pinggang dan sistem saraf. Anak damit dan kanak-kanak kecil boleh terdedah dengan kesan sampingan dari pengguna; yang boleh mengganggu perkembangan otak kanak-kanak yang masih kecil atau anak damit yang belum dilahirkan.

Kementerian Kesihatan tidak pernah mengeluarkan kebenaran ke atas pengimportan untuk penjualan produk tersebut dan / atau mengeluarkan Surat Pengakuuan Notifikasi Produk Kosmetik bagi penjualan produk tersebut. Berikutnya dapatan ini, produk berkenaan adalah dilarang untuk diimport dan dijual di Negara Brunei Darussalam.

Orang ramai yang telah membeli atau menggunakan produk tersebut adalah dinasihatkan untuk memberhentikan pengambilannya dengan serta merta. Jika mereka mengalami kesan *advers* dan merasa tidak sihat selepas menggunakan produk berkenaan, hendaklah berjumpa doktor dengan segera.

Majlis ini adalah sempena Sambutan Hari Buku Sedunia (World Book Day) dan Hak Cipta yang disambut pada setiap 23 April dengan tujuan untuk memupuk tabiat membaca secara berterusan di kalangan masyarakat, terutamanya generasi muda. Sambutan ini adalah resolusi daripada persidangan Pertubuhan Pendidikan, Saintifik dan Kebudayaan Bangsa-Bangsa Bersatu (UNESCO) pada 15 November 1995 yang mengisytiharkan 23 April sebagai Hari Buku.

Hadir selaku tetamu kehormat majlis, Pemangku Rektor, UNISSA, Dr. Haji Mohammed Hussain bin Pehin Penyurat Haji Ahmad yang seterusnya merasmikan Minggu Hari Buku Sedunia 2019 Peringkat UNISSA serta melancarkan UNISSA E-l'lamii Institutional Repository.

Adalah diingatkan bahawa ia adalah menjadi satu kesalahan di bawah Peraturan Ubat (Produk Kosmetik), 2007 untuk mengimport dan memasarkan produk kosmetik di pasaran tempatan tanpa Surat Pengakuuan Notifikasi Produk Kosmetik yang dikeluarkan oleh Pihak Berkuasa di Kementerian Kesihatan dan jika didapati bersalah boleh didenda tidak melebihi BND5,000 penjara tidak melebihi dua tahun atau kedua-duanya sekali.

Kementerian Kesihatan juga ingin memohon kerjasama dari orang ramai untuk melaporkan kepada Bahagian Komplians dan Perlesenan jika mendapati produk berkenaan masih dipasarkan di negara ini.

Untuk maklumat dan perhubungan lanjut, orang ramai boleh menghubungi Bahagian Komplians dan Perlesenan melalui talian +673 2393298 sambungan 208; menghantar e-mel ke pharmacy.enforcement@moh.gov.bn; berjumpa terus Pegawai Komplians dan Perlesenan di Tingkat 1, Bangunan Jabatan Perkhidmatan Farmasi, Kampung Madaras, Mukim Gadong 'A' atau hubungi Talian Darussalam 123.



PRODUK Kosmetik Luffiya Night Kunyit yang tidak dinyatakan pengilangnya dicemari dengan merkuri.

UNISSA sambut Minggu Hari Buku Sedunia

Siaran Akbar dan Foto : Universiti Islam Sultan Sharif Ali

E-l'lamii Institutional Repository merupakan platform penyimpanan bagi dokumen-dokumen digital (*soft copy*) yang dihasilkan oleh tenaga akademik, pengkaji atau penyelidik atau hasil kajian pelajar untuk memudahkan ianya dikumpul, dipelihara dan disebarluaskan dalam talian internet.

Acara diteruskan dengan penyampaian Wakaf Buku

daripada Hajah Norhayati binti Haji Zaidi isteri Allahyarham Pengiran Dr. Haji Saiful Bahrin bin Pengiran Haji Kula, mantan Pengarah Pusat Penataran Ilmu dan Bahasa, UNISSA.

Pengisian program diteruskan dengan forum bertajuk 'Berwakaf dengan ahli-ahli panel forum terdiri daripada Dekan, Fakulti-fakulti Syariah dan Undang-undang, Dr. Hajah Mas Noorani binti Haji Mohaiddin; Dekan, Fakulti Ekonomi dan Kewangan Islam, Dr. Abdul Nasir bin Haji Abdul Rani dan Penolong Kanan Profesor, Fakulti Syariah dan Undang-undang, UNISSA, Dr. Haji Abdurrahman Raden Aji Haqqi dengan Moderator Forum, Pengarah Pusat Penyelidikan dan Penerbitan, UNISSA, Profesor Madya Dr. Hajah Rose binti Abdullah.

Acara diakhiri dengan penyampaian sijil penghargaan kepada para penyumbang wakaf peribadi, ahli-ahli panel serta moderator forum dan peserta Bengkel Information Literacy Skills.

Sepanjang sambutan tersebut, beberapa aktiviti diadakan, antaranya pameran dan jualan Buku-buku Terbitan UNISSA Press akan diadakan selama lapan hari, iaitu mulai 22 April hingga 1 Mei 2019 bermula dari Jam 8.00 pagi hingga 4.30 petang, bertempat di Kawasan Ruang Legar Perpustakaan.

Sepanjang program dibukakan juga akan diadakan tawaran harga promosi, pengedaran Penanda Buku sempena Hari Buku dan Hak Cipta Sedunia, penanda buku yang mengandungi kata-kata hikmah

berkaitan buku, ilmu dan pembacaan kepada ahli-ahli perpustakaan yang meminjam buku dan para pelanggan yang membuat pembelian buku-buku terbitan UNISSA Press.

Aktiviti ini bertujuan untuk memberi kesedaran tentang sambutan Hari Buku dan Hak Cipta Sedunia, di samping menggalakkan ahli-ahli lebih banyak meminjam buku dan memanfaatkan ilmu pengetahuan.

Turut diadakan ialah Bengkel Institutional Repository untuk tenaga akademik UNISSA dengan objektif meningkatkan kepekaan tenaga akademik tentang kepentingan e-l'lamii repository dan polisi repositori berkenaan, menggalakkan penggunaan e-l'lamii repository. Bengkel juga diadakan bagi menggalakkan penyerahan artikel atau bahan kajian sebagai simpanan perpustakaan dan menggalakkan *self-archiving*, iaitu memasukkan sendiri hasil kajian ke dalam e-l'lamii repository dan mempercepatkan peningkatan isi kandungan /bahan di dalam e-l'lamii repository.

Bengkel selama dua hari akan diadakan pada 29 hingga 30 April 2019 dikendalikan oleh Ketua Perpustakaan UNISSA, Dayang Norhasinah Haji Moksin yang antaranya memfokuskan kaedah penggunaan e-l'lamii repository, e-l'lamii repository policy, article submission guidelines dan Self-archiving guidelines.

Pihak perpustakaan juga akan menyediakan Maktabah Hurrah Corner yang merupakan konsep yang serupa dengan Little Free di Perpustakaan UNISSA, di mana ia bertujuan untuk menggalakkan budaya membaca dalam kalangan warga UNISSA.

Konsep Maktabah Hurrah Corner ialah konsep bertukar-tukar buku. Pihak perpustakaan akan menempatkan satu tempat khusus di perpustakaan di mana pelajar, tenaga akademik UNISSA dan orang ramai boleh menyedekahkan buku mereka kepada Maktabah Hurrah Corner.

Isteri keluar rumah

Siaran Akbar dan Foto : Pasukan Polis Diraja Brunei

BANDAR SERI BEGAWAN, Rabu, 24 April. - Pasukan Polis Diraja Brunei memohon kerjasama dan bantuan orang ramai untuk mengesan seorang wanita warganegara Brunei, berstatus isteri, Azimah binti Roslee, berusia 32 tahun yang dilaporkan keluar rumah.

Orang ramai yang mengetahui sebarang maklumat mengenai keberadaan perempuan tersebut boleh menghubungi Balai Polis Sengkurong melalui talian +673 2661334 atau Talian Kecemasan 993 dan mana-mana Balai Polis berdekatan.



AZIMAH binti Roslee, berusia 32 tahun berstatus isteri, dilaporkan keluar rumah.